


Illoqarfiup ilaanut pilersaarut 3A7-2, Qernertunnguit kitaa tungaanut



Matumuuna Kommunalbestyrelsep Illoqarfiup ilaanut Qernertunnguit kitaa tungaa 3A7-2-mut pilersaarut saqqummiuppaa.



*Illoqarfiup ilaanut pilersaarut 3A7-2,
Qernertunnguit Kitaa*

NASSUIAAT

Illoqarfiup ilaanut pilersaarusiortifigineqartoq inissiat 120-it missaat pisortat inissiaataannik quleriit 2-3-inngorlugit sanaartorfiusussaq aamma inissiat 82-it missaat piginneqatigiilluni illuliat sulisunullu inissiat assigisaanillu quleriit 2-nngorlugit inissianik sanaartorfiusalluni.

Illoqarfiup ilaanut pilersaarut 3A7-1 Qernertunnguit-imik atserneqarsimasoq Qernertunnguanut illoqarfiup ilaanut pilersaarutitut siullertut sananeqarsimavoq. Illoqarfiup ilaanut pilersaarut 3A7-2 Qernertunnguit-imik atserneqarsimasoq, Qernertunnguit kitaa tunnganut sanaaq, Qernertunnguanu inissiaqartitsiviup sinneranut pilersaarusiartineqarsimavoq. Qernertunnguanilu inissiat 292-it missaat katillugit inissiaqartitsisussaalluni.

Sumiiffik inissiaqarfinnut 2-nut agguataarneqarsimavoq, taakkualu aappaat inissiatut takisuutut Nuup Kangerluanut sammisunngorlugit sananeqassapput aappaallu illut uiguleriiaannngorlugit eqimattat sanaartorfiup qeqqani sanaartorneqassallutik.

Inissiat takisuut inisissimanerisa inissiat isikkivigilluartippaat, ataatsimoorussamik inissiaqarfinniit aammalu inissianit ataasiakkaanit kangerlummut isikkivilinnit.

Inissiat takisuut ilisarnaatigisartagaat tassaavoq aamma inissiat tunuatungaaniit illullu uiguleriiaat eqimattat akornanniit avatangiisinit ammasumik isikkiveqarneq.

Inissiat takisuut illullu uiguleriiaat eqimattat akuleriisillugit sanaartorneqarnissaanik kissateqarsimanerup aammattaq tamanna anguniagarivaa, tassa sanaartorfiup kisimi kangerlummut kusanarluinnartumik isikkiveqarnera nuannaarutigissanngikkaa.

Antenneqarfik peerneqassaaq allamilu nappaanikkut taarserneqassalluni.

Pilersaarusiamut allamut attuumassuteqarneq

Illoqarfiup ilaanut pilersaarusiaq sumiiffimmi aaliangersimasumi killeqarfikkami 3A7 Qernertunnguanu inissisimavoq, taannalu Kommunep pilersaarutaasa tapiutaannut normu 5-imut, Qernertunnguanu inissianik sanaartortitsinermut immikkut ittumik sanaartorfissatut pilersaarusiortifigineqarsimalluni.

Tamatuma saniatigut piffik tamanna Kommunimut pilersaarutip ilassutaanut nr. 8-imut, Iiminami Qarsaalimmilu Inissiaqarfinnut, kiisalu Qernertunnguanu Inissiaqarfinnut.

Inatsisitigut atugassarititaviit

Illoqarfiup ilaata pilersaarusiorneqarnerani pisortatigoortumik nalunaarutigineqarnerata kingorna inatsisitigut atugassarititaviit atuutilertarput. Illoqarfiup ilaata pilersaarusiordfigineqartup iluani sanaartornerit illoqarfiup ilaata pineqartup pilersaarusiordermini aalajangersaneqarnerminilu malittarisassaanut akersiliusunik. Pissutsit immikkut ittut annikitsut eqqarsaatigalugit immikkut ittunik annikitsunik akuersissuteqartoqarsinnaavoq. Anertunerusunik pissutsit immikkut ittut eqqarsaatigalugit piumasaqaataassaaq nutaamik illoqarfiup ilaata pilersaariamik sananissaq.

Piffissaq oqalliffiusoq akuerineqarneralu

Illoqarfiup ilaanut pilersaarut 3A7-2, Qerner-tunguit kitaa tungaanut tungasoq tamanut oqallisissanngorlugu saqqummiunneqarpoq piffissami 18. marts 1998-imiit 29. april 1998-ip tungaanut.

Piffissami tusarniaaviumi oqaaseqaatit akersiliinerillu sisamat pissarsiarineqarput.

Kommunalbestyrelsen ataatsimiinnermini 2. juni 1998-imi illoqarfiup ilaanut pilersaarut akueraa inissiat quleriillit aammalu illut uiguleriiaat inissisimaffissaat eqqarsaatigalugit, kisiannili illut uiguleriiaat sammerngat gradinik 17-inik sangutinneqassaaq isikkiviginne-rulerseqqullugit.

AALAJANGERSAKKAT

Matumuuna kommunalbestyrelsen Inatsisartut Peqqussutaat nr. 6 19. december 1986-imeersoq, nunaminertamik atuisarneq pilersaarusiortarnerlu pillugit Inatsisartut Peqqussutaanni nr. 1-imi 18. juni 1987-imi allanngortinneqarsimasoq kiisalu nunaminertat atornerqartarnerat pilersaarusiordfigineqartarnerallu pillugit Nalunaarut nr. 23. 18. november 1992-meersoq, Nalunaarut nr. 43 15. November 1998-imeersukkut allanngortinneqartoq malillugu makkua aalajangersarpai.

§ 1 Illoqarfiup ilaata pilersaarusiorneqarnerata siunertaa

1.1 Illoqarfiup ilaata pilersaarusiorneqarnerata siunertaraa nunaminertap inissialiorfigineqarnissaa kiisalu sumiiffik qitiusumik niuerniarfeqartinnissaa meeqqerivittalimmik pisiniarfitalimmik il.il.

§ 2 Illoqarfiup ilaanut pilersaarusiap sumi inisisimanera

2.1 Illoqarfiup ilaata pilersaarusiordfigineqartup killeqartinneqarnera nunap assigani ilanngunneqarsimasumi normu 1-imi takuneqarsinnaasutut inissisimavoq.

§ 3 Sumiiffiup atornerqarnissaa

3.1 Sumiiffik inissianut 192 missaaniittunut imminnut qanittunut pukitsunullu kiisalu illunut quleriinnut sanaartorfiusussaavoq.

3.2 Sumiiffiup immikkoortuani A)-mi inissianit 120-it missaaniittunit pisortat inissiaatattut quleriit 2-3-nngorlugit sanaartorfiusussaavoq, taakkua nunap assigani normu 2-mi takuneqarsinnaasunngorlugit sananeqarsimapput.

3.3 Sumiiffiup immikkoortuani B)-mi illunut uiguleriiaanut 82-it missaaniittunut, piginneqatigiilluni illuutiliune-

rusunut naatsorsuussanik, quleriit 2-nngorlugit sanaartorfiusussaavoq, tamakkua nunap assingani normu 2-mi takuneqarsinnaapput.

- 3.4 Sumiiffiup immikkoortuani C)-mi minnerusumik qitiusumik niuerniartarfeeqqamik pilersitsisoqassaaq, tassani mikinerusumik niuertarfimmik sanasoqassalluni, meeqqerivimmik sanasoqassalluni, najugaqartut illumik ataatsimoorarfissaanik/ neriniartarfimmik sanasoqassalluni il.il. Sumiiffiup kujasinnersuani sumiiffiup ataatsimoorussamik pinnguartarfia inissinneqassaaq, tamanna nunap assingani normu 2-mi takuneqarsinnaavoq.

§ 4 Aqqusernit, inuit aqquserni, qamutunik inissiisarfiit pinnguartarfiillu

- 4.1 Eqalugalinnguaniit rundkørselip (o.a. kaajallattariap)/ bussit kaajallattarfiata tungaanut immikkut nunaminertamik pingaarnertut aqquserniorfissamik immikkoortitsisoqassaaq, tamanna nunap assingani normu 3-mi takuneqarsinnaavoq. Aqqusernup qeqqaniit sanaartorfineqartup killinganut 10 meteritut ungasissuseqarpoq, pisuinnarnut aqquteqanngitsumi. Pisuinnarnut aqquutilimmi sanaartorfissaq aqquserngup qeqqata tungaanut 15 meteriuvoq.
- 4.2 Inissialiorfinnut nunaminertamik immikkut pingaanninnerusunik aqquserniorfissamik immikkoortitsisoqassaaq, tamanna nunap assingani takuneqarsinnaavoq. Aqqusernup qeqqaniit sanaartorfineqartup tungaanut 9 meteritut ungasissuseqarpoq. Aqquserngit sinerlugit pisuinnaat aqqusiornissaannik pilersaaruseriorfusuni sanaartorfissaniit aqquserngup qeqqanut ungasissusseq 15 meterinngortinneqarpoq.
- 4.3 Inuit aqqutissaannut nunaminertamik immikkoortitsisoqassaaq, tamanna nunap assingani normu 3-mi takuneqarsinnaavoq. Inuit aqqusernata qeqqaniit aqqusernup sanaartorfineqartup tungaanut 5 meteritut ungasissuseqarpoq.

- 4.4 Sumiiffiup immikkortuani A)-mi qamutunut inissiisarfinnik qamutunut 2-nut inissiat 3-kkaarlugit immikkoortitsisoqarniarpoq, sumiiffiup immikkoortuani B)-imi inissiamut ataatsimut qamutunut inissiisarfik ataaseq sananeqassasoq naatsorsuutigineqarpoq sumiiffiullu immikkoortortaani C)-mi qamutunut inissiisarfik ataaseq 50 m²-ikkaarlugit sananeqartussatut naatsorsuutigineqarpoq, tamakkualu tamarmik aamma nunap assingani normu 3-mi sanaartorfissani takuneqarsinnaapput. Biilit unittarfiinut taakkunungalu isaarissanut ungasissuseq 4 meteriussaavaq.

- 4.5 Aqquserniit appakaaffissat kussinerillu qarsutsiviit inissitsitsermeri ilusilersomerilu Nuup Kommuneanit akuersissutigineqassapput.

- 4.6 Pinnguartarfinnik inissianut qanittunik sanaartorfissamik nunaminertamik immikkoortitsisoqassaaq, taakkua nunap assingani normu 4-mi sananeqarsimallutik takuneqarsinnaapput.

- 4.7 Sumiiffimmi najugalinnut tamanut ataatsimoorussamik pinnguartarfimmik sananissamut nunaminertamik immikkoortitsisoqassaaq sumiiffiup kujasinnersortaani immikkoortortami C)-mi.

§ 5 Sanaartorfiup angissusaa inissisimanelu

- 5.1 Nunap assingani normu 3-mi taamaallat sanaartorfissatut ersersinneqarsimasuni sanaartortoqarsinnaatitaavoq.

- 5.2 Sumiiffimmi kallerup inneranik pilersuivimmik inissiinissamut periarfissaqartariaqarpoq.

§ 6 Sanaartorfiup ilusilersorneqarnera avammullu sassartissimanera

- 6.1. Inissiat inississorneqarneranni ilusilersomerannilu sapinngisamik inissiat amerlasuut isikkivilimmut inissinnissaat eqqarsaatigineqassapput.

- 6.2. Sumiiffiup immikkoortuani A)-mi sanaartorneq ataatsimut sanaartorfittut isigineqassaaq. Pissutsini immikkut illuinartuni nunap sananeqaataata ajornartinnigikkaangagu quleriit 3-t saniatigut quleriit qummut ataatsimik ilaneqarsinnaasassapput illup naqqanni inissitanneqartussamik. Sanaartorfiup nassuiaataa nunap assingani normu 4-mi ersippoq kiisalu ilusilersukkat allagartaanni normu 5-mi ilanngunneqarsimalluni.
- 6.3. Sumiiffiup immikkoortortaani B)-mi illut uiguleriiaat eqimattat sanaartorneqassapput. Sanaartorfiup inissisisimane-ra ilusilersorneqarneralu illoqarfiup ilaanik pilersaarusiormermi pingaarnertut anguniakkaatut isigineqassaaq, tassami sumiiffiup immikkoortuani A)-mi inissiat narlusuut takisuut akерlerisaanik sanaartukkat ilutsimikkut nikingasusaagamik. Illut inissisimanerisa aammattaaq illut allat eqqaminni inissisimasut isikkiveqarnerat pingaartissavaat.
- 6.4. Illup toqqavii pisariaqanngitsumik portunerutinneqassanngillat, imaappoq toqqaviit minnerpaamik portussusissata illuliorfiusumiit 0,5 meter qaangisanngilaa. Sanaffissat ataasiakkaat iluini annikitsumik qaartiterisoqarnissaa natsorsuutigineqassaaq, isikkivigissumut il.il. illut naleqquttumik inissinneqarnissaat eqqarsaatigalugu.
- 6.5. Sumiiffiup immikkoortuani B)-mi immikkuullarissunik quinik sanaartortoqqasuaanngilaq, inissiat ilusilersorneqarneranni isumannaallisareerneqassapput inissiat amerlaqqataanik (o.a. quinik) sanaartortoqarnissaa, taakkualu nunap assingani normu 3-miittunut naleqqussarneqarsimallutik.
- 6.6. Sumiiffiup immikkortoortortaani C)-mi sanaartorneq taamaallaat quleriimmik ataatsimik ingerlanneqarsinnaassaaq quleriip ataatsip taassuma saniatigut qummut ataatsimik illup naqqata tamanna periarfissaqartippagu aatsaat.
- 6.7. Sumiiffiup immikkortoortortaani taakkunani 3-ni illut saqqai paasissutissiissutigineqassapput nunap assingani normu 4-misut.
- 6.8. Sanaartorfissap angissusivissaa kommunalbestyrelsimit akuersissutigineqassaaq.
- 6.9. Illut qaliai illup qaliassaanik qernertumik qallersorneqassapput.
- 6.10. Illut saavi qisunnik qallersorneqassapput.
- 6.11. Illup qisuttai, soorlu igalaat, illup qaliaata killinganiittoq qisuk, qisuit sinaak-kutaasut, tamarmik qaqortumik qalipanneqassapput. Illut saqqai aamma kommunalbestyrelsep qalipaasersuutissat akuerisimasaat malillugit qalipasersorneqassapput.
- 6.12. Qaliaq 15-25 gradinik sivingassuseqassaaq.

§ 7 Teknikkkut atortorissaarutit

- 7.1. Pilersaarutigineqarpoq imermik, kuuffinnik, kallerup inneranik oqarasuaatillu aqquataannik sumiiffimmut ikkussuinis-saq.
- 7.2. Illut tamarmik imermik kuuffiillu aqquataanik pilersorneqassapput.
- 7.3. Imeq nunap qaagut kuuttoq, taassuma ataani imeq qalianiit kuuttoq kuuffinnut atassuseqqusaanngilaq, kisianni avam-mut kussiniliorneqassalluni, taamaalil-luni sanaartorfinnut eqqaani ingerlanne-qartunut, nunaminertanut, inuit aqqu-sermginut il.il. akornutaannginniassam-mat.

§ 8 Sumiiffiit sanaartorfigineqanngitsut

- 8.1. Sumiiffiit sanaartorfigineqanngitsut sanaartortunit atortunillu ikkussuisunit sapinngisamik mianersuunneqassapput.

**§ 9 Siusinnerusukkut illoqarfiup ilaata
pilersaarusiordfigineqarsimanerannik
atorunnaarsitsineq**

- 9.1 Sumiiffimmut illoqarfiup ilaanut siusinnerusukkut pilersaarummik sanasoqarsimanngilaq.


§ 10 Atortussanngortitsinermik uppenarsaaneqs

- 10.1 Taamaasilluni Nuup Kommuneani Kommunalbestyrelsemit ulloq 2. juni 1998 akuersissutigineqarpoq.


Nuup Kommunea, ulloq 25. 09. 1998

Agnethe Davidsen / Nauja Petersen
borgmester kommunaldirektør
sign. sign.

Tamanut saqqummiunneqarpoq
ulloq 30. 09 1998




Illoqarfiup ilaanut pilersaarut 3A7-2, Qernertunnguit Kitaa Ilanngussaq nr. 1




Kommunimi pilersaarummut tapiliussaqaq nr.

Ilanngussaqaq nr. 2



Lokalplan 3A7-2, Qernertunguit Vest





Illoqarfiup ilaanut pilersaarut 3A7-2, Qemertunnguit Kitaa